

錢塘縣知縣南樂魏噉纂

災祥

春秋書災異最重日食若霜雹螟螟鸛鶴來巢六鷁退飛之類亦往往附見雖不言徵應而勉人主恐懼修省之意亦寓於其中錢塘一邑耳凡災祥之所破亦廣矣何取乎撮土之志為然而上見於天下及於地中被於昆虫草木不可謂無與也水旱殃民之大者回祿之患茲土獨多仍舊志一一分別記之志災

錢塘縣誌

卷之十二

災祥

一

祥

水旱

按蘓文忠知杭州祈雨吳山文有曰杭之為郡山澤相半十日之雨則病水一月不雨則病旱則茲土之水旱易病於他邑可知矣

吳大帝赤烏三年饑

晉元帝大興二年吳郡無麥禾

成帝咸康元年饑

宋文帝元嘉中水

十二年大水

有蠲賑

唐代宗大曆元年浙西水災

十年秋七月大風潮

州

民五千餘
家船千艘

德宗貞元六年夏大旱

井泉竭陽且疫死者甚衆

順宗永貞元年旱時驕陽三十六州

憲宗元和四年浙西旱

穆宗長慶四年秋浙西旱

文宗太和元年浙西大疫 六年疫 四年夏浙西大

水害稼 五年夏六月辛卯水害稼 七年秋浙西大

水害稼

僖宗乾符三年旱

有蠲賑

昭宗乾寧三年秋七月浙江水溢

壞民居甚衆

錢塘縣誌

卷之十二

災祥

二

宋太宗至道三年旱

知秦州田錫上言杭州荒災狀臣聞彼處米價每升六十五文饑餓

死者不少溝渠皆是死人一僧收拾埋藏千人作一坑五十人作一窖云云

淳化四年

饑

真宗咸平元年旱

時京師及四十六州軍俱旱

二年饑 五年饑

祥符六年饑

仁宗景祐四年浙江潮溢

壞堤千餘丈

皇祐二年旱

神宗熙寧元年水 嘉祐六年七月淫雨

誓宗紹聖四年旱

元祐五年水六月大水

有蠲賑

高宗建炎二年春正月霖雨

占曰陰盛下有陰謀後一年苗劉爲逆伏誅

二十二年夏大蝗

紹興元年二月霖雨

壞城三百八十丈

二年二月大雨雷饑

斗米千錢時兵餉繁急民益艱食詔運江東西上供粟給軍餉以寬浙民

五年虐暑計四

十餘日草木盡

秋八月大水

時天目諸山洪水發突高二丈許衝決塘

岸百餘所漂沒屋廬千五百餘家流尸散入旁邑禾稼盡腐

八年冬不雨 十

四年水 二十八年水 二十九年大螟蠖 三十二

年夏六月大蝗

癸巳蝗飛入浙西聲如風雨至七月丙申飛遍畿縣錢塘仁和餘杭皆大蝗丙

午蝗入

三十四年四月山湧暴水

流民室壞田禾

六月

大霖雨 七月大蝗

錢塘縣誌

卷之十二

災祥

三

孝宗隆興元年風水傷稼 三月霖雨

壞城郭三百三十餘丈

二年水 七年大饑 乾道元年春二月大饑 疫死殍

可勝計

二年春正月淫雨至夏四月猶寒 三年秋

八月天目山湧暴水

決民廬二百八十餘家人多溺死

淳熙元年雨 秋七月大風濤 八月大雨水害稼 七

子寅癸卯錢塘大風濤決臨安府江隄一千六百六十餘丈漂居民六百三十餘家人月癸未行都大雨

水壞德勝江漲北新三橋及錢塘仁和餘杭縣田流入湖秀州害稼

三年夏旱 四

年夏五月江隄決秋九月江隄又決

夏五月巳亥夜錢塘江濤大溢敗隄

安府隄八十餘丈庚子又敗隄十餘里秋九月丁酉戊戌大風雨海濤決江隄二百餘丈

七年

秋七月不雨至於九月羣臣奉命赦八年夏四月疫

自七月不雨至十一月饑九年夏五月大亡麥春大

行都飢於潛昌六月蝗詔守臣捕蝗焚而瘞之至

化縣人食草木十一月秋七月浙西水時米價湧

之罰復賞修舉荒政監司守臣貴下令禁諸州

光宗紹熙二年饑四年夏大霖雨自四月至五月浙

害蠶麥五年秋八月大水八月辛丑錢塘臨安新

蔬菜冬浙西饑冬無十一月辛亥雨

水六年水九年饑十七年饑嘉泰元年夏五

錢塘縣誌 卷之十二 災祥 四

月大水三月二年大蝗三年夏五月大旱開禧

元年夏秋久旱大蝗羣飛蔽天三年夏四月大水浸

民廬西湖溢顛嘉定元年五月大蝗二年夏四

湖民舍皆圯秋九月大饑殍者橫市三年春三

月蝗大疫死者甚衆月西湖溢二月嚴衢婺徽州富陽餘杭新城諸暨淳安

行都廬舍五千三百間禁旅壘舍秋七月蝗七

年夏四月乙卯大蝗自夏徂秋蝗患不息諸道捕蝗者

之八年夏五月大燠草木枯槁百泉皆竭行都

十年冬十月浙江濤溢地廬舍覆舟十六年錢塘仁

溺死甚衆

和餘杭三縣大水

理宗紹定三年夏五月霖雨

時連雨四十日浙西之用盡沒於水其不沒者則又

大風駕湖而至頃刻殆盡杭民渡太湖揚子江就食江北者數千餘人皆溺死

嘉熙三年

饑 四年大饑

市中殺人以賣路無行人

度宗咸淳元年水 二年秋八月霖雨

命擇官審決獄訟

八

年水 十年八月大霖雨

元世祖至元二十四年水 二十五年大水 二十八

年饑

成宗大德二年水 六年七年十一年皆大饑

官設粥僊林寺

錢塘縣誌

卷之十二

災祥

五

中飢民多殍死何長者敬德得同志五六人即菩提寺設粥日鬻米七八石或十石始六月至八月凡七十日飢民無死者

武宗至大元年饑 四年水

仁宗延祐元年水

泰定帝泰定元年大水饑

冬十二月海溢

海水大溢壞隄塹侵

城郭有司以石圍木櫃捍之不止

文宗天曆元年秋八月大水

沒民田

至順元年水

順帝元統元年旱 三年水

有蠲賑

至正十三年大霖

雨 凡八十餘日

江浙大饑

明太祖吳元年自四月至六月不雨 洪武七年夏六月旱 八年水 九年夏五月大水 田浸者九十五頃 十年水 三十年夏六月旱

成祖永樂二年三年水 十一年大風潮 十二年水

宣宗宣德三年夏六月大水 行在戶部尚書夏原吉奏主事孫冕自浙江還言杭

嘉湖諸郡今夏苦雨江水汎濫田禾滄沒上命卽遣行人往與巡撫浙江大理卿胡概周視水災之處以聞又謂原吉日水旱為災所係甚大卿有所聞當悉言之 正統二年饑 景泰

五年無麥禾

英宗天順元年秋七月蝗害稼 九月旱 五年饑

錢塘縣誌

卷之十二

災祥

六

四年秋七月雨 江河溢 無麥禾

憲宗成化元年饑 八年秋七月大風雨 江海湧溢 八月

江湖溢 太子少保兼吏部尚書姚夔言南京及浙江杭州府等處守臣各奏今年七月狂風大雷雨江

湧海溢環數千里林木盡拔城郭多頽廬舍漂流人畜溺死田禾垂成亦皆滄損請命廷臣共條所以安民弭患之務 十二年水

孝宗弘治四年水 五年旱 六月大雨水害稼 六月

四日午後大雨如注抵暮龍井山鳳凰山俱發洪水滄沒田禾衝決雲居山城垣 冬十一

月又水 十六年秋大旱 米斗三錢

武宗正德三年十二月大雨震電 十年水 有蠲 十

四年大饑 十六年秋八月不雨至十二月

世宗嘉靖元年春旱 三月大水 二年秋七月大風

潮八月又風潮 七月初三日處暑時方久旱是日風雨

海水溢漂廬舍數百家衝决塘壩海水倒流城中河水皆鹽至八月初三日大風潮衝去太平門外沙場

廬舍百餘所 二年春三月大饑 杭州大飢斗米千錢後增至千三四有司賑濟

稻穀人六斗鄉民奔赴枵腹候二 四年秋九月蝨

害稼 自八月間毒熱不解蝨生禾根食禾幾盡 冬十

月晦大雷電雨 十年秋七月大雨水 決旬不止 十

四年自春及秋恒雨 十八年自春二月不雨至夏六

錢塘縣誌

卷之十二

災祥

七

月 井泉 冬十月有流殍集錢塘江 時衢嚴諸府皆大水漂流房屋什器

男女至錢塘 二十二年饑 二十三年大旱無麥

禾 米石價一兩八錢飢殍 二十四年大饑疫 通浙連

載道富者亦食半菽 歲飢歉 百物騰湧米石價一兩八九錢貧民有食草者時知

府陳一貫勸富民出粟命僧于鄉都寺觀作粥以哺 飢民民飢虛食粥多輒病遂染疫癘死者甚衆人歸

咎無濟荒法一貫又以勸借被謗京考貶秩去自是 當事者多避嫌疑 二十五年夏六月大蝗 蝗飛蔽

不敢講求荒政矣 北來凡二日所過 四十年秋七月至冬十月大水 天自西

無年 四五月大雨水苗種湮沒借貸補種民力已疲至 秋徂冬雨水不止田成巨浸草無寸莖米湧貴飢

寒死者相望於道 陳善曰吾鄉嘉靖間乙巳之旱 辛酉之潦災最盛乙巳米石幾二金然鄉村困憊而

戎郭不至洵洵細民告匱中人之家尚足暫給
猶相半也幸酉則不然斗石尙不滿一合而西
客羣生空竭豈非力詘於賦役之日
繁則涸於生計之浸薄乎可憂甚矣
隆慶元年水

神宗萬曆二年二月丙辰驟熱雷電 三年夏六月大

風潮江海溢 是月初一日夜怪風震濤錢塘江岸坍塌
數千餘丈漂流官民船千餘溺死人無算

海寧亦然鹹水湧 六年二月至三月恒雨 八年
入河內運河皆鹹

五月大雨水 西湖倒注湧金門 十五年水 十六年
湖船達三橋址

春大雨水夏六月旱大飢瘟疫 自三月至五月中雨不
止城內外水皆溢沉竈

產蛙蚕麥俱無收斗米二百錢死者枕
藉鬻妻女者十家而入骸骨滿山谷間 十七年旱

疫 五月六月大旱瘟疫甚行餓 二十四年水 二十
死滿道婦女掠賣過江幾盡

錢塘縣誌 卷之十二 災祥 八

六年水 三十年五月龍井水溢 大雨頃刻三四尺奔
流嶺下壞廬舍山間

棺衝至飲馬橋轎中 三十三年六月旱 錢塘江少
婦人與輿夫俱溺死 上有海鱖

百條重數百斤居民斫取 三十五年夏六月大雨
熬油是月旱至七月無雨

水 初三夜大雨嚴州洪水大發漂流男婦衝下錢
塘江屋宇全漂燈尙熒熒不滅竹木器皿無算 三

十六年夏大雨水 四月至五月終大雨數十日不止水
驟漲江上水逆入龍山關進城西湖

水溢入湧金門湖舟近抵華光廟城門閉十餘日自
清波門至府署水深四尺黃泥潭居民水高逼屋梁

餘杭南塘湖為居民盜決水直灌欽賢等鄉一十餘
里一夜成丈餘民居蕩盡溺死無算得脫者艤舟以

居逾月水勢始退大野若雲漢稍露一二樹杪蓋二
百年僅見之災也米價驟貴一日斗增百錢洵洵思

亂巡撫甘士价太守王 三十七年秋八月大雨水
幾率同縣令無幾始定

是月初七日雨至初十日驟雨如注晝夜不止初九日值鄉社鎖院水深三尺士子危踞木板上屬文南湖諸隄皆決茗溪暴漲西溪安溪各告水災

熹宗天啟四年饑 官出票於祐聖 觀平價召糴

崇禎皇帝崇禎元年大風潮 拔木壞屋傾鎮海樓圮石坊一十七座積尸蔽江而下潮退縱橫沙上漆燈松焰明滅洲渚

江干諸生孫濟奎率其子琮創募掩之 十一年六月大水 兩山洪漲所埋棺槨浮

大旱蝗飛蔽天 連年旱飢斗米千錢民初食豆麥次糠糶不給煮榆皮橡栗食之僵尸載道封

編修吳繼志倡為賑濟之法每里衿紳勸助中戶皆出粟設粥廠數所賴以全活者頗眾較萬曆戊申之災為尤甚焉

六月大疫 呻吟卧蓐者十室而九人皆置尸床下每郭門出尸日數百焉

錢塘縣誌 卷之十二 災祥 九

十五年旱蝗 飛蝗集地數寸草木呼吸皆盡農夫抱禾而泣先是內監崔某以鹽漕奉命兩

浙勢焰薰灼人謂蝗從崔監來蓋惡之也

國朝

世祖章皇帝順治二年旱 二年以後比歲不登米石至銀四兩然商賈四通百貨輻輳下

至擔夫騶卒皆能贍給以故米價雖貴而人不驚擾 十二年旱 十八年旱

斗米四百錢數千餘里草木枯死

今上皇帝康熙九年水 十年旱 十一年旱 俱被 十

一年水雨蟲 閏七月水淹沒杭嘉湖三府州縣其未淹沒者天忽雨虫飛食米穗有聲如雨萬頃

田禾 俱盡 十七年旱 十八年大旱無年 三十三年

夏大旱

五月旱至七月大雨

三十八年閏七月大雨南北兩山

洪水驟發西湖水平高丈餘

裏外兩堤俱水淹沒次日行堤上者深過腰膝山澗

衝出棺槨無數城內西北民居亦水深數尺三日後始退

四十一年秋大旱

四十七年夏五月大水 四十八年秋飛蝗蔽野歲稔

五十三年秋七月旱 五十四年夏初水災秋又旱

五十五年亦然

火 按西湖志曰杭城多火宋時已然居民稠比竈突相接一多竹木畧磚瓦二家事佛燃燈達旦三夜

焚香酣燭跋棄地四婦女嬌惰箒籠失檢五有此五病遂屢見火災矣

晉高祖天福六年秋七月杭州大火 吳越府署火吳越王元瓘驚懼發狂

錢塘縣誌

卷之十二

災祥

十

疾南唐人勸唐主乘倣取之唐主曰奈何利人之災遣使唁之且調其乏

周世宗顯德五年夏四月杭州火

吳越王弘俶奏杭州十日日夜火焚燒府署

殆盡上命中使齋詔恤問

宋高宗紹興元年夏六月臨安火 二年五月臨安火

火 先是熒惑犯氏東南星占曰將相有憂又有火未幾火發頃刻跨山亘六七里燔民居一萬數千家至冬

又火令戶部發廩賑濟

四年正月六年二月行都屢火俱燔

數千家 六年冬十二月臨安大火 燔萬餘家人多灼死 十年

冬十月臨安火 十二年春三月大火四月又火九月

甲子火燔民居將及太室而止

乙丑令有司撤火道周廟垣二十步

光宗紹熙三年春正月己巳臨安火通夕至庚午闐闐
焚者大半 十四年行都火延七百餘家

寧宗嘉泰元年春三月郡城大火

武林紀事云戊寅夜御史臺吏楊浩家火

延御史臺司農寺將作軍器監奏文思御筆院太史局軍頭皇城司法物庫御厨班直諸軍壘四月辛巳火方滅詔被火之家願于貢院及寺觀住止者聽有司奏燒軍民五萬二千四百二十九家凡十八萬六千三百八十三口死而可知者五十九人詔出內府錢五十六萬三千五百七十一緡米六萬五千一百九十二斛四斗付臨安府分賜被火之家錢一千米四斗小兒半之死者人與丁千而軍士各家錢二千米一斛浩遂除名黥隸燕安 四年行都大火 咸淳軍是時朝士皆借官船以居 右丞相府火程官劉慶家人延糧料院右丞相府尙書省樞密院制勅院檢正房左右司諫院尙書六部

錢塘縣誌

卷之十二

災祥

土

工部侍郎廳萬松嶺清平山仁王寺右佛庵樞密院親兵營修內司學士院內酒庫門廊屋殿及內中宮官兵撲救許以重賞太廟神主冊寶法物皆移寓德壽宮是夕百官之家盡去都亭避火五日和寧門鴟吻上火忽起有張隆用飛梯騰屋擊鴟吻碎之煙乃滅六日賜諸軍犒賞仍賑恤被燬家奉神主還太廟七日降詔罪已西湖志餘云宋時建都臨安大火二十一日尤烈者五都民市語多舉紅藕二字藕具二十八絲紅者火 嘉定元年春正月臨安大火 火凡四日焚御

史臺等官舍十餘所民舍五萬八千九十七家城內外亘十餘里死者甚衆城中廬舍十殿共七百官多僦舟以居民訛言相驚 四年春三月臨安大火 焚亡賴因而縱火爲姦 郡寺等官舍延及太廟詔遷神主於壽慈宮三日火

息乃還太廟省部皆寓治驛寺焚民居二千七百餘家 十三年冬十一月臨安大火 壬子郡城大火延燔數萬家禁壘百

理宗紹定四年秋九月臨安大火太廟燬

丙戌夜行都火延太廟三

省六部御史臺秘書省玉牒所惟丞相史彌遠府獨存洪聖俞詩曰殿前將軍猛如虎救得汾陽令公府也 祖宗神靈飛上天可憐九廟成焦土時毀帥乃馮楫謂之順錢都城大火乞丐之魁率人為搬挈巨細無所失火息為運木石磚瓦丐中有手藝者竭力為興造自後每日更增施一千 嘉熙元年夏五月臨安大火 廬五十 三萬

元世祖至元二十三年杭州大火

成宗元貞二年夏

四月杭州火

大德三年冬十一月杭州火

八年秋

錢塘縣誌

卷之十二

災祥

十三

八月杭州火

英宗至治二年冬十一月杭州火

文宗至順元年秋八月杭州火冬十月杭州又火

二

年杭州大火

順帝至正元年夏四月杭州大火

四月乙未杭州火燔官舍民居寺觀凡一

萬五千七百餘間死者七十有四人

二年夏四月杭州大火

先是辛巳三月

江浙行省平章政事只理瓦台衣紅服入城之任兒童謠言火殃來矣至是四月一日火災尤甚燬民廬舍四萬有奇自昔罕見數百年繁華之地一旦凋敝於車橋火流如鳥飛所指即焚憲副幹樂公輩齊向火叩首曰寧焚予躬勿民也言既風轉

三年夏五月杭州火

作

明憲宗成化十年夏四月郡城大火

望仙橋北河東落氏火延鎮海樓伍

公廟海會寺東嶽行宮玉樞雷院下逮宗陽宮南至侍郎府北至鎮守府東至巡鹽察院西至布政司周

環六七里民居三千餘家

世宗嘉靖三十一年夏六月杭州府管局通判廳火時

寇初起軍中需火藥甚急諸匠人就廳碾藥碾急火起藥甲倉卒不可避人焚死者甚眾有未死者皆灼膚裂體慘不忍視扶出見河水輒投其中明日皆死

大火三十五年秋九月郡城

十三日未刻火自熙春橋民家起俄頃遍四方東南逾數里越城飛火至永昌壩達旦始息燒燬官民廬舍一萬餘間清軍察院鎮海樓亦俱及焉貧甚者官府給米周卹

八月旗燾廟災自管局廳碾藥失火之後有司慮有不虞特就廟中碾藥以廟高敞火不易侵

錢塘縣誌

卷之十二

災祥

三

也然一藥發火羣藥皆燃熱不可收廟遂煨燼人死者什二二三於是命碾藥者皆於空濶地面不復近屋字

穆宗隆慶二年春正月湖墅大火元日德勝壩火沿燒民居一千餘家座船

四十餘隻

神宗萬曆三年冬十月郡城火二十九日夜火發菜市橋東人從橋上以觀扶

欄忽崩溺水中者無算皆重傷死者凡四十餘競為崇厲昏黑不可行仁和縣梁鵬躬自為文祭之其怪

始絕五年秋七月郡城火二十七日晚時小營巷火延燒東里羲和如松三里

次日方息燬民舍千餘家十七年六月火起於木登雲橋馬通政門有銀杏

樹忽燔發煙起江干二十五年二月湖墅大火二

一日清明忽起大風湖市北關外金家新口糧船天
火燼北關官廳延燒東西兩岸至牙灣巷江漲橋渚
堂巷草營巷南數千家運船十五隻諸生李中華父
子兄弟三人相救焚死共焚仁和縣二千九百家錢
塘縣一千
二百家
七月鴉啣火 二十一日有烏鴉啣綿絮
然火燒房屋四百餘家
嘉宗天啟元年大火 三月初五日陳調燮家起火沿燒
平安東西如松等坊一十餘里又
飛燒良山門外數百家初八日又報北良等處各沿
燒十餘家共燒燬房屋萬餘間焚廣豐倉一所合郡
士民洶洶歸咎西湖北山新
築亭館太盛鑿傷山脉所致

國朝

世祖章皇帝順治十三年七月火藥局災

局設祐聖觀搗藥曰中火燃諸

砲盡發轟雷震地毒焰激射燎斃數十人皮膚焦爛者無算學署方聞聲忽黑骸自墜而墮聖宮遂燔

錢塘縣誌

卷之十二

災祥

齒

今上皇帝康熙五年十二月大風火

一晝夜延燒七里燔民居一萬四千四百

餘家斯如坊有長者霍萬言年踰八旬操履醇謹七年之間三失火矣至是嘆憤誓與居燼其子祿科泣諫不從甘心殉父時風急火熾俄頃烟燄驟至其孫文舉不見祖父即奔入妻子慰阻文舉曰身親之身也豈有祖父在烈焰中忍置之乎奮身蹈火火已三骸俱存文舉跪祖前猶作勸行狀觀者莫不錯愕贊嘆詳孝子傳
十年五月二十四日大火
十二年九月

大風火

一晝夜焚房屋七千餘間焚死男婦二十餘口週燔十餘里

三十三年十

二月初八日九曲巷民家火

沿燒至草橋門約七里許自午至酉方止

四

十一年二月十八夜天竺寺火

白雲房起火沿燒禪堂時進香男婦俱宿寺中

昏黑奔竄踐踏死者甚衆

五十三年正月初八日撫院衙門災

六月二十三日大火太平橋民家火沿燒至東青巷

二更方止是日黃昏又府前四條巷火兩縣衙門俱燬火幾達旦

天地星辰風雷水電諸災祥凡妖祥所感有從同者有從異者從同者徵諸

天下從異者見諸一邑也齋莊中正以禋祀鬼神恐懼修省以禳塞災咎此良有司之事而弭患之道乎

漢天漢五年夏五月錢塘江岑石不見 七年復見陳善

日天漢無五年今從越絕書

後主延熈十二年冬十二月寶鼎出臨平湖

吳孫皓天璽元年臨平湖開吳人或言於吳王曰臨平湖自漢末穢塞長者皆言

湖塞天下亂湖開天下平近者無故忽開此天下當太平青蓋入洛之祥也吳王以問都尉陳訓對曰臣

錢塘縣誌

卷之十二

災祥

五

止能望氣不能達湖之開塞也退而告人曰青蓋入洛者啣璧之祥也按此時湖隸錢塘未割為他縣故

晉成帝咸和九年夏四月甘露降于錢塘之柳樹

安帝元興十年錢塘臨平湖水赤桓玄諷吳使開除奏以為巳瑞俄而玄敗

齊武帝永明七年夏六月吳郡太守江敷於錢塘獲蒼

玉璧以獻 朱靈讓獻浙江靈石奉詔刻為佛像靈讓於浙

江得靈石十人舉乃起在水深三尺而浮世祖親授天淵試之刻為佛像

陳世祖天嘉元年冬十一月臨平湖開時江南妖異特衆臨平湖草久

塞忽然自開陳主惡之乃自賣于佛寺為奴以厭之漢以前無考三國屬吳湖又為錢江地至宋太平興

國三年錢俶納土四年改錢江為仁和縣湖始屬仁和

唐高宗證聖元年六月隕霜

僖宗乾符三年天有聲於浙西

聲如轉磨無雲而雨是謂天泣

昭宗天復三年春三月浙西大雪

平地三尺餘其氣如煙其味苦

冬

十二月浙西大雪江海冰

宋真宗天禧五年錢塘有巨石浮於江

林通以問葉杲卿卿曰其當在

萬乘乎未幾真宗晏駕

神宗熙寧五年冬十月杭州地湧血者三

流入河腥不可聞

高宗建炎二年春正月杭州地湧血

清波門內竹園山下平地湧血須臾

錢塘縣誌

卷之十二

災祥

六

成池腥聞數里明年金人殺戮萬餘人於此地

三年冬十月歲星見吳分

是年秋上駐蹕會稽時北師初退尚宿留淮西朝議凜凜懼其反旆范丞相宗尹薦朝散大夫毛隨習甘

石學有詔赴行在所隨入對言按漢志歲星所在國不可伐今年冬歲當躔吳分而與宋自此口必不能

南渡矣然禦口上策莫先自治願修政以應天道上大喜既而果不復來

紹興三年八

月地生白毛

浙右地生白毛韌不可斷謠曰地動白毛生老少一齊行

五年地震

六年臨安地震有聲自西北如雷

詔罪已求直言是冬偽齊劉麟劉猊

犯順寇濠壽州後

八年七月雨水銀雨錢

八年雨錢錢或

從石甕湧出續月令廣義又云紹興八年冬大雪雨冰數十里冰大小皆龜形背具卦文

十六

年春三月臨安雨木

三月行都雨木與唐志貞元陳留雨木同占木下植而自上隕有上

下易位
之象

孝宗乾道三年秋七月臨安大震雷

兵龍聖志云軍器坊

常依女以居每澤得俸米母必歸取三斗澤夫婦及子郭僧屢詬罵之又嚴州陳永年開舖於臨安市狂悖不簡母恐無以終日積碎金數年得十餘兩藏一篋永年攫之去母恚悶卧病是秋雷擊澤夫婦并郭僧及永年皆一時死

淳熙十三年秋八月臨安地湧血

民家有血

自地湧出濺染至屋汚人衣

十六年六月錢塘門旦啓有黑風

入揚沙石塗人驚避

冬錢塘宣義郎萬延之家缶水凝冰視之桃花一枝明日又成雙頭

壯丹次日又作寒林種種值萬誕辰賓客畢集是日大寒設缶當席凝冰爲山石上坐一老人如壽星後結姻于氏父子繼歿家資爲王所有始知妖也非祥也

錢塘縣誌

卷之十二

災祥

七

光宗紹熙五年冬十月臨安風災

乙亥行都大風拔木壞舟甚衆至戊戌又

大風木盡拔洪容齋隨筆曰元祐五年蘓軾守杭日與宰相呂汲公書論浙西災傷曰八月之末秀州數千人訴風災吏以爲法有訴水旱而無訴風災閉拒不納老幼相踐死者十一人由此言之吏不喜言災者蓋十人而九矣

十二月南高峯崩地湧血

寧宗慶元六年雨塵土冬十二月無雪桃李華蟄蟲不

藏 按管子曰臣乘君威則陰侵陽盛冬不冰時韓侂胄擅朝陰脅陽之象

開禧三年秋

八月臨安大風

癸酉大風拔木折禾穗果實寧宗露禱至丙子乃息

嘉定六年

夏四月行都地震

理宗紹定四年春三月天雨黃霧

塵土四塞入人口鼻皆酸辛積凡案如灰

行者相去丈餘不能識面日
輪昏黯無光雨連日夜不止

五年春二月有星隕

於宗陽宮

甲子朔初更有星如斗自東而西紅光滿地隕於宗陽宮聲殷殷如雷

寶祐

三年春正月臨安雷震

度宗咸淳六年秋七月慶忌塔池水壁立

塔前池水壁立浮苴登木

蕩突久之又時有怪物出水若鐵棺然

九年臨安地白毛生

臨安地產白毛

長四五寸瑩若銀縷焚之臭若羊毛占為大臣專國之兆按是年蒙古陷樊城呂文煥以襄陽叛

十年春正月臨安雨土

八月天目山崩

癸丑大霖雨天目山崩水

湧流安吉臨安餘杭民溺死者無算

冬十二月庚午錢塘江潮失期

不至

是日度宗梓宮發引至浙江上俟潮潮失期日晡不至

錢塘縣誌

卷之十二

災祥

六

帝熈德祐元年三月臨安雨土 二年二月壬寅錢塘

江潮三日不至

元將伯顏遣人入臨安駐兵錢塘江沙上太皇太后望祝曰海若有靈當使波

壽大作一洗而空之潮竟三日不至

元世祖至元二十五年冬十月丙子夜杭州地震十一

月庚寅又震

始如暴風駕海潮之聲自西南來雞犬皆鳴窓戶磔磔撼動屋瓦俱搖

順帝至正元年春二月壬辰雨核於杭州

黑氣亘天雷電而雨有物

若果核與雨雜下五色間錯破食其仁如松子相傳為娑婆樹子是年九月紅巾入城雨核之地悉遭兵火

七年秋八月錢塘江午潮退而復至 八年夏

五月錢塘江潮溢

沿江民皆徙居避之

十二年江潮不波 十

七年春正月雨黑水於杭州河水皆黑二十年異雲見西

湖

明太祖洪武十年秋七月海潮警岸

景帝景泰五年春正月大雪凡十餘日七年冬十月

西湖水竭丙子自秋徂冬數月不雨湖水涸成平陸巡撫都御史孫原貞曰哲人其萎乎未幾少保

于謙冤死都御史蔣琳亦及焉凡官於朝者俱落職京宦為空

憲宗成化十三年冬十一月杭州大雷雨虹見巡撫御史呂鐘

言雷作虹見皆非時乞修省下禮部覆奏請移文鎮守巡按及都布按三司等官伸究抑捕強橫恤軍民練士馬從之

錢塘縣誌 卷之十二 災祥 九

孝宗弘治十年秋七月地震 十八年九月庚子杭州

地震有聲

武宗正德三年六月雨紅水於錢塘武林紀事云是月某日天雨鄰里巷

道水皆清而故都御史錢鉞家獨紅池塘盡赤按四年鉞家被籍實錄曰初崇府歲祿一萬石舊例給粳米一千粟米九千弘治間鉞巡撫河南以土產紅粳米四千石代粟米給之然實未嘗奏請也至是崇王請給如鉞擬遂觸劉瑾怒有旨鉞交通王府擅更成法宜重刑籍其家校至則鉞已故矣乃收鉞妻及子應禎等六人婦女臧獲五十五人至京盡沒其家產分戍陝西肅州固原莊浪等衛遇赦不原鉞之收粟為粳實因土產從民便罪不至此而劉瑾用焦芳計欲籍江南大家以快其忿首發於鉞子女纍纍蓬垢就逮衣冠無不傷之

六年春正月杭州大雨電地震 七

年春三月杭州地震五月地震七月又地震八月又震

俱轟然有聲自西北至東南殷殷不絕十二年秋八

月杭州地震十四年春正月朔冰有花元日民居屋瓦俱結成花

朶陰處數日不解

世宗嘉靖四年夏五月有星流於杭州初七日五更有大星自東流西

曳尾長數十丈光明燭地八年夏五月雨黑水於

杭州杭城內外遠近皆下黑雨二十四年秋七月丁

卯杭州大雨雹是日大晴朗午餘忽雨雹占者以為當損長吏未幾左布政使司蕭一中卒

神宗萬曆三年夏六月江海溢秋七月江無潮六年

錢塘縣誌 卷之十二 災祥 二十

春正月大雨雪連六七日不止夏四月江湖復至自三年七月後江湖

無波每日潮候止暗長十七年七月大風初九日大風雨

水者兩年至是復至拔木吹倒斜橋天水橋共六座牌坊四座

懷宗崇禎十五年冬十一月長至大雷電是日如溽暑夜即嚴寒大

雪十七年春正月元旦日蝕既夏五月星隕凡

二十四日夜中星斗交飛或逆或順或有聲而墮或無聲而隱

國朝

世祖章皇帝順治二年城吟永昌至清泰聲如破鑼自南而北晝夜凡三四鳴三日乃

已三年七月日華六年六月地震生白毛如馬鬣編地如絲

空室僻
砌尤多

九月十五日北高峰崩

七年七月日華

又連日日中飛雪

今上皇帝康熙三年慶忌塔傾

七年六月地震

生自

八年正月天狗星見

兩頭鏡空中有聲如雷
光如掣電自西而東

十年四

月六星隕

星形如車輪芒角四射下帶數十小星
由西北趨東南而過桐江時天已黎明

十

九年錢塘江岑石復見

丁文策曰浙江浮石漢武帝天
漢時淪沒其隱現不常久矣庚

申四月望日海潮自東入小壘捲浪浦浮石自西逆
潮而下望之謂覆舟稍近則石也長三丈餘客以訊
余余曰此浮石也今
出恐有波濤之患

二十九年二月杭城地震

四十七年七月初八寅時颶風大作驟雨翻盆鼓樓及

錢塘縣誌

卷之十二

災祥

三

貢院同時崩圮民間屋瓦亂飛大木偃拔至晚漸息

五十二年五月十八風雨海嘯上江順流浮屍無數

五十五年六月初一日旁有黑雲側露五色暈數十道

至初六日止或日日華或曰此祲氣也未知孰是 五

十六年四月十五星變異光矚野起東南亘西北其形

似船

鳥獸草木蟲魚諸災祥

漢董仲舒治公羊劉向治穀
梁兩賢皆以物變驗五行於

是占驗生焉禽魚草木本微細然一垂其
度則一邑之禍福妖災著矣故終之以此

晉成帝咸和六年夏六月錢塘豕異

錢塘民家豕生
兩子皆面如人

身猶豕京房易妖曰豕生人頭豕身者危且亂豕產子異之甚者也

九年白鳥見

錢塘吳國內史虞譚以獻

宋明帝泰始七年春二月連理木生吳郡太守王延之

以聞

齊武帝永明九年秋七月錢塘獲白雀

惠懿宗咸通二年異鳥來鳴

咸通中吳越有異鳥極大四目三足鳴山林其聲曰

羅平古曰國有兵人相食此黃巢來寇董昌僭亂之兆也

按

昭宗天復三年秋九月有龍鬪於浙江水溢壞民廬舍

宋真宗咸平二年箭竹生米如稻

按明憲宗成化十七年昌化縣箭竹生花

錢塘縣誌

卷之十二

災祥

三

結實如麥世宗嘉靖十七年秋八月又生花結實如小麥民皆採食之二十年竹又生米陳志曰長亘五十里採之而春得黑色碎米味少澁和飴為餅佳其地遂得豐熟則箭竹之有實不止於宋矣

符九年浙江虎入稅場巡檢俞仁祐揮戈殺之 天禧

三年錢塘民謝文信妻一乳三子

哲宗元祐元年秋八月浙江連理木生 杭民俞舉慶七世同居園木連

理

高宗紹興元年行部旌忠觀有蛇異 在柴塚橋有三蛇出沒庭廡大者盈

尺方鱗金脊遇霽即變數行蕉卉間廟徙蛇孽絕

二十五年夏五月太室

盪生芝九莖 秦檜率百官觀之稱賀自檜首相和讐罷兵文飾太平天下競以草木之妖獻瑞

孝宗隆興十四年冬十二月臨安民婦產怪子生而能言四日

暴長四尺 乾道六年北關門民居得怪魚北關門有鮎魚色黑腹下

出人手於兩傍各有五指 淳熙十二年龍山江岸得大魚二月庚申

龍山江岸有大魚如象隨潮來復逝 十六年錢塘旁江居民得怪魚

鯽首鯉身五色時民詭言夢得魚覺而有魚在手猶躍事聞有司令縱之

光宗紹熙元年三月民家猫生子一首八足二尾

寧宗嘉泰二年秋九月臨安野蠶成繭

元順帝至正八年有豕異施鹽商家牝豕自食其子籬之人語曰汝不食我我饑自

食我子何與汝事欲殺之啼曰我負汝錢三千七百五文賣我償汝足矣貨之得錢如數 十二

錢塘縣誌 卷之十二 災祥 三

年九月有鵝異西湖志錢塘盧子明家一鵝伏九雛內一雛三足二足在前一足在后

月中落娑羅子至正壬辰月中娑羅子隨雨而落仁如松子殼具五色

明英宗正統七年冬十一月民程潤妻鄭氏一乳三子

給鈔米

憲宗成化十六年春三月有五色鳥翔錢塘學宮時有異鳥

翔於錢塘學宮其文五色諸生異而賦之李旻賦詩高自許可是秋旻舉鄉試第一越四年甲辰狀元及

第 按七修類稿載旻詩曰五色翩翩世所奇講堂飛止正相宜祇應覽德來千仞不為希恩借一枝羨

爾誰知鴻鵠志催人同上鳳凰池狀元魁 逸皆常事還向天邊作羽儀旻果應此兆

孝宗弘治五年六月虎入城大雨虎入城蹲三茅觀次日獵人斃之占曰當損大

將是秋都指
揮崔亂卒

世宗嘉靖七年五月錢塘有豕異

官港口吳姓者買李屠猪未烹見膜內隱

隱有字則印書四行也色如蜜大如菽文曰羸官手壁兩身敵功在雞魚則廉矣初行五字第二行二字第三行五字未行二字前後有字割裂分去故不成章按治平中南新街柿木中有上天大國四字類顏書皆不可燒

二十五年秋九月杭州多虎患

杭州屬縣諸山虎聚

成群白日入民家傷入道路無獨行者死傷不可勝紀餘杭尤甚

神宗萬曆二十三年有狗妖

大方伯里民沈氏母狗產一小兒隨卽斃之

四十一年錢塘民產怪子

甲寅四月湖市賣魚橋草營巷民家生兒一頭兩面雙耳

四足男女形皆具或曰此未判孿子也

四十三年錢塘有龍魅

西湖三橋

錢塘縣誌

卷之十二

災祥

三

有龍魅幻作青旆懸酒家狀迷者投肆沽酒實湖也竟溺死既築龍王堂以鎮之魅忽飛起掣寶叔塔頂碎接待寺佛閣而遁有請移岳坟前鐵人以投其窟者謂龍畏鐵故也然何以不畏鐵頂耶後此魅亦止

穆宗隆慶五年四月湖墅栗樹生桃九月西溪栗樹生

林檎三枚

熹宗天啟元年虎入城

懷宗崇禎十四年大旱天竺地生粉

是歲大旱饑死無筭忽訛言觀音救

濟群於天竺山掘土二尺下得土細類粉食之不饑民賴以活

國朝

世祖章皇帝順治二年虎入城

三年南北山栗樹生桃

實

以毛桃而小紅潤無核

有雞妖

四足四翅飛能衝天

今上皇帝康熙十七年江上漁網獲玳瑁

丁文策曰玳瑁非浙產出南海

洋中戊午六月江上漁戶網得其一以獻撫軍陳公時徵君徐林鴻在座撫軍問之鴻曰龜圖此方龜長此短其玳瑁乎。聶志曰隆慶庚午孟夏流福溝斃石忽動啟之得巨鱉廣如車輪紅白色龜頭而三尾聲作馬鳴曳投魚笥中踞牙嚙入乃磔焉胡孝廉文憲竹園在金沙灘門東有三足蟾氣冲人即死一日園丁報蟾出從牖窺之皂色如覆釜張口紅光滿室兩目閃閃似電一時與龍舌嘴之曳練猴滿覺街之逸道蟾稱為三害焉又有方士捕得蟾如三斗盞月下吐光其光蔽月一日忽穢氣不可近已失之矣又曰邑神周宣靈王最靈巫迎神必以蟾為兆時見翠蟾三足如芝每躍入神袍袖而沒或曰此月路也

論曰春秋記災記異而不記祥記災以示警也記異

錢塘縣誌

卷之十二

災祥

三五

以防災也不記祥以戒淫也而水旱必書蠛螟麋蝥之類必書所以重民事憂無年也錢浙東西一邑其地屬揚其天文當斗分野日月星辰山崩川竭之異似不足以當之其唯水火之虞乎攷之舊志明以前不必言我

朝定鼎來杭城大水火凡幾十次蓋每歲必火小或十餘家甚或至于千戶此雖由人事似亦有天道焉至於春夏之交山水橫發漂沒陷溺者不可勝數則又非人力所能預防其或雨暘不時旱魃為虐飛蝗蝻賊之

災徃徃見告而無年之患十必有一二焉孰非官於
斯者之責歟夫天道遠人道邇裨竈知天道而子產
以人事治之吾不如鄭子產執圭璧以策祝請以身
填金隄而水波却退吾不如漢王尊躬耕勸農出入
阡陌開通溝瀆以廣灌溉使歲屢豐而民多蓋藏吾
不如召信臣若乃蝗不入境虎爲渡河桑無附枝麥
秀兩岐麒麟鳳凰諸福備至乃

聖朝德盛仁覆之所至豈區區循吏所敢望歟故竊附春
秋之義而祥畧焉